

四庫未收書輯刊編纂委員會編

四庫未收書輯刊

北京出版社

伍輯·玖冊

四庫未收書輯刊

四庫未收書輯刊編纂委員會編

北京出版社

〔明〕金蟠輯

鹽鐵論攷十二卷

明崇禎刻本

伍輯・玖冊目錄

鹽鐵論攷十二卷〔明〕金蟠輯

一

遜敏錄四卷〔清〕蘇惇元撰

二一

課子隨筆節鈔六卷續編一卷〔清〕張師載輯 徐桐續輯

四五

菟園雜說二卷〔清〕沈起潛撰

一七九

探本錄二十三卷〔清〕雲茂琦撰

二五九

家言隨記四卷附退齋遺稿一卷〔清〕王賢儀撰

四六一

詒謀隨筆二卷〔清〕但明倫撰

六三七

女鑑錄四卷臣鑑錄四卷士鑑錄四卷〔清〕尹會一輯

七〇一

〔明〕金蟠輯

鹽鐵論攷十二卷

明崇禎刻本

鹽鐵論卷之一攷

本議第一

盤庚萃居○殷紀曰帝盤庚之時殷已都河北盤庚渡河南復居成湯之故居乃五遷無定處殷民咨胥皆怨不欲遷盤庚乃作書三篇以告臣民從湯所都改商曰殷舜藏黃金○泰族訓曰夫水出于山而入于海稼生于田而藏于倉聖人見其所生則知其所歸矣故舜藏黃金于薊巖之山所以塞貪鄙之心也

鹽鐵論

卷一攷

一

力耕第二

范氏以强大亡○晉世家曰定公十五年荀偃韓不信魏後與范中行爲仇乃伐范中行范中行反晉君擊之敗范中行范中行走朝歌保之二十二年晉敗范中行氏一子奔齊出公十七年知伯與趙韓魏共分范中行以爲邑

羸驢駝驪驤驪馬○羸驢種而馬生也駝驪古本作索佗言能負橐囊而佗物也驪驤古本作驪奚駝驪類也

伊尹高述遊毫○管子曰昔桀之時女樂三萬人端謏晨樂

聞于三衢無不服文繡衣裳者伊尹以毫之遊女工文繡纂紐一純得粟百鍾于桀之國夫桀之國天子之國也桀無天下憂餽婦女鍾鼓之樂故伊尹得其粟而奪之流

蹴躋之徒倚頓之富○南華經曰柳下惠之弟曰盜蹠從卒九千人橫行天下所過之邑大都守城小國入保萬民苦之許慎曰莊蹠楚威王之將軍能爲大盜也孔叢子曰倚頓魯之窮士聞朱公富往問術焉于是乃適兩河大畜牛馬于猗氏之南十年之間貲擬王公以富興于猗氏故曰倚頓

鹽鐵論

卷一攷

二

宣房之功○溝洫志曰孝武元光中河決于瓠子上使鄭當時汲黯塞之輒復壞後二十餘歲數不登而果楚尤甚上旣封禪巡祭山川乃使汲仁郭昌發卒數萬人塞瓠子河于是上以用事萬里沙則還自臨決河沉白馬玉璧令群臣從官自將軍以下皆負薪決河時東郡燒草以故薪少乃下淇園之竹以爲椴天子旣臨河決悼功不成乃作瓠子之歌于是卒塞瓠子築宮其上名曰宣房

通有第三

昔蘇○應劭曰。此弱也。晉灼曰。蘇病也。

歲羽司鳩○左傳曰。魯昭公十七年。秋。郊子來朝。公與之晏。昭子問焉。曰。少昊氏以鳥名官。何也。郊子曰。吾祖也。吾知之。昔少昊氏摯之立也。鳳鳥適至。故紀于鳥。而鳥名鳳鳥氏。歷正也。玄鳥氏。司分者也。伯趙氏。司至者也。青鳥氏。司啓者也。丹鳥氏。司閉者也。祝鳩氏。司徒也。雁鳩氏。司馬也。鳴鳩氏。司空也。爽鳩氏。司寇也。鵲鳩氏。司事也。五鳩鳩民者也。

蟋蟀○詩刺晉僖公也。儉不中禮。故作是詩以閔之。欲其及

賈鐵論

卷一攷

三

時以禮自娛也。

弦高飯牛于周○人間訓曰。秦穆公使孟明舉兵襲鄭。過周。以東鄭之賈人弦高。謀以十二牛勞之。秦帥相與謀曰。凡襲人者。以爲弗知也。今已知之矣。進必無功。乃還師而返。鄭伯以存國之功。賞弦高。弦高辭之。遂以其屬從東夷。終身不反。歐冶鑄鑄○吳越春秋曰。越王允常聘歐冶子作名劍五枚。一曰純鈞。二曰湛盧。三曰豪曹。四曰魚腸。五曰巨闕。秦客薛燭善相劍。越王取魚腸等觀之。薛燭皆曰。非寶劍也。取純鈞。

視之。燭曰。光乎如屈陽之華。沉沉如芙蓉。始生于湖。觀其文如列星之行。觀其光如水之溢塘。此純鈞也。取湛盧。示之。燭曰。銜金鐵之英。吐銀錫之精。服此劍也。可以折衝伐敵。人君有逆謀。則去之。他日允常乃以湛盧獻吳。吳公子光殺三僚。湛盧去如楚。

賈鐵論

卷一攷

四

鹽鐵論卷二攷

錯幣第四

龜貝金錢刀布○司馬貞曰古者寶龜貨貝食貨志有十朋五貝皆用爲貨貝有多少兩貝爲朋故直二百一十六元龜十朋故直二千乙百六十也下有差錢本名泉言貨之流如泉也故周有泉府之官刀者錢也食貨志有契刀錯刀契刀長二寸直五百錯刀以黃金錯直五千其形如刀故曰刀以其利于人也周禮有三夫之布食貨志貨布長二寸五分

鹽鐵論

卷二攷

一

首長八分足枝長八分布布于民間也

吳王濞郭海澤○吳王傳曰吳王濞者高帝兄劉仲之子也上患吳會輕悍立壯王以填之諸子少乃立濞于沛以爲吳王孝惠高后賤天下初定郡國諸侯各撫其民吳有豫章銅山濞則招致亡命卽山鑄錢煮海水爲鹽以故國用益饒鄧通專西山○佞幸傳曰鄧通者蜀郡南安人也以擢船爲黃頭郎文帝悅焉上使善相者相通曰當餓死帝曰能富通者我也于是賜蜀嚴道以鑄錢鄧氏錢布天下

白金龜龍○食貨志曰建元以來用少縣官往往卽山鑄錢

民益盜鑄不可勝數因有司言造銀錫白金以爲天用莫如龍地用莫如馬人用莫如龜故白金三品其一龍文直三千其二馬文直五百其三龜文直三百

布衣有胸卬○貨殖傳曰魯人僂卬而曹卬氏尤甚以冶鐵起富至巨萬然家自父兄子孫約貫貸行賈徧郡國卬卬以其故多去文學而趨利者以曹卬氏也或曰以富興于臨胸故曰胸卬

鹽鐵論

卷二攷

二

郡中踐更者○如淳曰更有三品有卒更有踐更有過更古者正卒無常人皆當迭爲之三月一更是爲卒更貧者欲得顧更錢者次直者出錢顧之月二千是爲踐更也

復古第六

非軼第七

扁鵲不能肉白骨○詩傳曰扁鵲過趙趙王太子暴疾而死鵲造宮門中庶子難之曰聞上古之醫者曰苗父苗父之爲醫也以菅爲簪以芻爲狗北面而視察十言耳諸扶而來者

舉而來者皆平復如故子能如此乎鵲曰不能又曰聞中古之醫者曰俞柎俞柎之爲醫也搗腦髓束盲莫炊灼九竅而定經絡死復爲生子能如此乎鵲曰不能中庶子曰子之方如此豈足以變駭童子哉鵲曰不然太子之疾所謂尸厥者也太子股陰當溫耳中焦焦如有嘯者聲然而皆可治也中庶子入報趙王趙王跪而趨出言未已涕泣沾襟扁鵲遂爲診之先造軒光之竈八成之湯砥計礪石取三陽五輸子容持藥子明吹耳陽僂反神子越扶形子游矯摩太子遂得復生天下聞之皆曰扁鵲能生死人鵲辭曰子非能生死人也特使夫當生者活耳

戚施○詩解曰戚施不能仰視疾也。

關茸○李善曰關茸猥賤也呂忱字林曰關茸不肖也。

君親無將○公羊傳曰陳侯之弟招殺世子偃師大夫相殺稱人此其稱名氏以殺何言將自是弑君也今將爾辭爲與親弑者同君親無將將而必誅焉

解揚厚晉薄荆○奉使篇曰楚莊王伐宋宋告急于晉晉景公求壯士解揚往命宋毋降楚道過鄭鄭新與楚和乃執解揚而獻之楚楚王厚賜與約使反其言令速宋降三要乃許

于是楚乘揚以樓車令呼宋使降遂倍楚約而致晉君之命莊王將烹之解揚曰受吾君命而出雖死無二願謂楚臣曰爲人臣毋忘盡忠而得死者楚王乃赦之歸晉爵爲上卿

蹋鞠○蹋鞠以革爲圓囊實以毛髮蹴蹋爲戲劉向別錄云黃帝造以練武士者也

鳴鼓巴歛○西域傳云巴歛二州名其人善舞漢紀高帝伐秦巴人從軍歌舞陷陳高祖采其聲後人因加此字一曰吳

歌曰歛

魏成子所以爲賢○魏世家曰魏文侯卜相李克曰魏成子爲相矣翟璜作色曰臣何負于魏成子西河之守臣所進也君內以鄴爲憂臣進西門豹君謀欲伐中山臣進樂羊中山已拔無使守之臣進先生君之子無傳臣進屈侯皐臣何以負于魏成子李克曰居視其所親富視其所與遠視其所舉窮視其所不爲貧視其所不取五者足以定之是以知魏成子之爲相也且魏成子以食祿千鍾什九在外是以東得卜

鹽鐵論

卷三 效

二

子夏田子方段干木此三人者皆君師之子之所進者君皆臣之子惡得與魏成子比也翟璜乃服

刺復第十

曹丞相曰飲醇酒○曹叅世家曰叅始微時與蕭何善及爲將相隙至何且死所推賢惟叅叅代何爲漢相國一遵何約束擇郡國吏拙于文詞者召爲丞相史吏之深刻者輒去之日飲醇酒卿大夫已下來者欲有言叅輒飲以醇酒間而有言復飲之醉而后去終莫得開說

兒大夫閉口不言○兒寬傳曰寬爲人溫良善屬文懦于武

口弗能發明也時張湯爲廷尉盡用文史法律之吏而寬以儒生居其間見不習事不署曹除爲從史及遷左內史勸農業緩刑罰理獄訟卑體下士務在得人心吏民大信愛之

燕昭之下士○雜事篇曰燕易王時國大亂齊閔王伐之易王死燕國復立太子平爲王是爲昭王昭王謂郭隗曰燕小力少不足以報得賢士以共國雪先王之醜孤之願也隗曰致士請從隗死于是昭王爲隗築宮而師之樂毅自魏往鄒

鹽鐵論

卷三 效

三

衍自齊往劇辛自趙往士爭走燕而與秦楚三晉合謀以伐齊

子椒之意○王逸曰子椒爲楚大夫處蘭芷之位而行滯慢佞諛之志

見知廢格之法○平準書曰自公孫弘以春秋之義繩臣下取漢相張湯用峻文決理爲廷尉于是見知之法生而廢格沮誹窮治之獄用矣張晏曰見知謂吏見知不舉故爲放縱以其罪罪之也如淳曰廢格謂廢格天子文法使不行也

杜周滅宣王溫舒○平準書曰御史大夫張湯方隆貴用事滅宣杜周等爲中丞義縱尹齊王溫舒等用意慘刻爲九卿

論儒第十一

齊稷下先生○齊世家曰宣王喜文學游說之士自如騶衍淳于髡田駢接予慎到環淵之徒七十六人皆賜列第爲上大夫不治而議論是以齊稷下學士復盛且數百千人

祭仲自貶損○公羊傳曰祭仲者何鄭相也先鄭伯有善乎鄆公者通乎夫人以取其國而遷鄭焉而野留莊公死已葬

鹽鐵論

卷三攷

四

祭仲將往省于留塗出于宋宋人執之謂之曰爲我出忽而立突祭仲不從其言則君必死國必亡從其言則君可以生易死國可以存易亡少遽緩之則突可故出而忽可故戾然後有鄭國古人之有權者祭仲也

魯公殺子赤○節士傳曰魯宣公者魯文公之弟也文公薨文公之子子赤立宣公殺子赤而奪之國立爲魯侯公子肸者宣公之同母弟也宣公殺子赤而肸非之終身不食宣公之食

憂邊第十二

毀泉臺○春秋曰夫人姜氏薨毀泉臺公羊傳曰泉臺也未成爲郎臺旣成爲泉臺先祖爲之已毀之不如勿居而已矣

鹽鐵論

卷三攷

五

鹽鐵論卷四攷

園池第十三

池籩之假○顏師古曰池籩謂於水邊作小屋落障魚鳥籩者禁苑之遮衛也本御幸者假與貧民

三輔迫近○三輔黃圖曰謂主爵中尉及左右內史漢武帝改曰京兆尹左馮翊右扶風共治長安城中是為三輔

輕重第十四

九府○顏師古曰周官大府玉府內府外府泉府天府職內

鹽鐵論

卷四攷

一

職金職幣謂之九府皆掌財幣之官也

未通第十五

却走馬以糞○老子曰天下有道却走馬以糞許慎曰却止也糞田也止馬不以走但以田

牝牝入陣○牝牝牛也凡獸育子曰牝牝畜母也

商師若茶周師若鳥○茶苦茶也鳥燕鳥也白項而羣飛者也鄒衍曰秦信左右而亡周用鳥集而王

地廣第十六

什辟之縣造陽之地○匈奴傳曰漢取河南地築朔方塞上谷之什辟縣造陽地以與胡孟康曰縣斗僻曲近胡顏師古曰斗絕也縣之斗曲入匈奴界者其中造陽地也

貧富第十七

鹽鐵論

卷四攷

二

鹽鐵論卷五 攷

毀學第十八

太山鳴嚇鵠○南華經曰惠子相梁莊子往見之或謂惠子曰莊子來欲代子相惠子恐搜于國中三日三夜莊子往見之曰南方有鳥其名鵠發于南海而飛于北海非梧桐不棲非粒食不食非醴泉不飲于是鵠得腐鼠鵠過之仰而視之曰嚇子得毋以梁國而嚇我耶
辟○牝羊也

鹽鐵論

卷五 攷

褒賢第十九

孔甲爲涉博士○陳勝字涉孔鮒字甲孔子八世孫也爲陳王涉博士死于陳下

趙綰王臧○儒林傳曰蘭陵王臧既受詩以事孝景帝爲太子太傅免去今上卽位臧廼上書宿衛上累遷一歲中爲郎中令及代趙綰亦嘗受詩中公綰爲御史大夫賈太后好老子言不悅儒術得趙綰王臧之過以讓上上盡下趙綰王臧吏後皆自殺

相刺第二十

辰參之錯○子產曰高辛氏有二子長曰閼伯季曰實沉居曠林不相能也日操干戈以相征伐后帝弗臧遷閼伯于商丘主辰遷實沉于大夏主參宋哀曰辰龍星也參虎星也我不見龍虎俱見也

鹽鐵論

卷五 攷

二

袁盎面刺絳侯○袁盎傳曰孝文帝卽位盎兄吮任盎爲中郎絳侯爲丞相朝罷趨出意得甚上禮之恭嘗目送之盎進曰丞相如有驕主色陛下謙讓臣主失禮竊爲陛下不取也已而絳侯望袁盎曰吾與而兄善今兄廷毀我盎遂不謝及絳侯免相之國人上書以爲反宗室諸公莫敢爲言唯袁盎明絳侯無罪絳侯得釋

鹽鐵論卷六攷

殊路第二十一

宰我于齊見殺○指武篇曰田成子常與宰我爭宰我伏卒將以攻田成子令于卒中曰不見旌節毋起賜夷子皮聞之告田成子田成子因爲旌節以起宰我之卒以攻之遂殘之

訟賢第二十二

孔父華督之難○左傳曰宋華父督見孔父之妻于路目逆而送之曰美而艷宋督攻孔氏殺孔父而取其妻公怒督懼

鹽鐵論

卷六攷

遂弑公

仇牧涉宋萬之禍○義勇篇曰宋閔公臣長萬以勇力聞萬與魯戰師敗爲魯所獲囚之宮中數月歸之宋宋閔公博婦人在側公謂萬曰魯君孰與寡人美萬曰魯君美宜其爲君也公因言曰爾魯之囚虜爾何知萬怒遂博閔公齒落于口而死仇牧聞君之死趨而至遇萬于門携劒而叱之萬擊仇牧而殺之

兩觀之殃○家語曰孔子爲魯司寇諫少正卯于兩觀之下

古今注曰古者帝居樹兩觀于前所以標表宮門登之可以徧觀故謂之觀懸法象處也

趙奢行之平原○趙奢傳曰趙趙之田部吏也平原君家不肯出租奢以法治之殺用事者九人平原君怒將殺奢奢曰縱君家而不奉公則法削法削則國弱諸侯加兵是無趙也君安得有此富乎平原君以爲賢言之於王治國賦國賦太平

鹽鐵論

卷六攷

使歸陶國

遵道第二十三

椎車尚在○韓非子曰古者寡事而備簡樸陋而不盡故有玼銚而椎重者

論誅第二十四

顏異誅斥○平準書曰初異爲濟南亭長以廉直遷至九卿上與張湯既造白鹿皮爲幣問異異曰本末不相稱天子不悅湯又與異有隙及人有告異以他議事下張湯治異異與

客語初令下有不便者異不應微反唇湯奏九卿見令不便不入言而腹誹論死自是之后有腹誹之法

狄山死于匈奴○張湯傳曰匈奴來請和親博士狄山曰和親便上問其故山曰高帝困平城乃結和親孝惠高后時天下安樂及孝文帝欲事匈奴北邊蕭然苦兵矣孝景時吳楚七國反帝寒心者數月竟景帝不言兵天下富寔今自陛下舉兵中國大困由此觀之不如和親上問湯湯曰此愚儒無知山曰臣固愚忠若御史大夫湯乃詐忠于是上作色曰吾使生居一郡能無使虜入盜乎曰不能上曰居一縣對曰不能復曰居一障間山自度辦窮曰能于是上遣山乘鄣至月餘匈奴斬山頭而去

孝養第二十五

飯辭糲者○蘇疏菜也孟康曰糲粗米也

周襄王之母○春秋曰天王出居于鄭左傳曰王使來告難曰不穀不德得罪于母弟之寵子帶公羊傳曰王者無外此其言出何不能乎母也

鹽鐵論

卷六 攷

三

鹽鐵論

卷六 攷

四

董茹臙臙○漢儀注立秋獬臙蘇林曰獬虎屬嘗以立秋日祭獸王者亦以此日出獵還以祭宗廟故有獬臙之祭祭豈獨斷曰臙者歲終大祭縱吏民宴飲風俗通曰按韓子書山居谷汲者臙臙而買水又曰嘗新始殺也食新曰臙臙伍被邪逆○伍被傳曰被為淮南王安畫謀皮計誅主父偃行不軌○主父偃傳曰上拜偃為齊相至齊乃以王與姊奸事動王王恐論死自殺上乃族偃呂步舒○董仲舒傳曰呂步舒者仲舒弟子也

鹽鐵論卷七攷

刺議第二十六

春秋書咥○春秋曰天王使宰咥來歸惠公仲子之賵公羊傳曰宰官也咥名也曷爲以官氏宰士也

利議第二十七

鵲鳴夜鳴○增韻曰鵲鳴求旦之鳥形似鸛晝夜常鳴陸佃曰怪鵲其鳴卽雨爲絲可以聚衆鳥一名隻狐晝無所見夜卽飛也

鹽鐵論

卷七攷

一

國病第二十八

楊可勝告緡江充禁服張大夫華令杜周治獄○平準書曰縣官悉禁郡國無鑄錢專令上林三官鑄錢既多令天下非三官錢不得行諸郡國所鑄錢皆廢銷之輸其銅三官而民之鑄錢益少唯眞工大姦乃盜爲之楊可告緡偏天下中家以上大抵皆遇告杜周治之獄少反者江充傳曰上拜充爲直指繡衣使者督三輔盜賊禁察踰後貴戚近臣多有懼充皆奏請沒入車馬令身待北軍擊匈奴奏可食貨志曰自

造白金五銖錢犯法者衆于是遣博士褚大深偃等分行郡

國舉并兼之徒守相爲利而御史大夫張湯方貴用事減宣杜周等爲中丞義縱尹齊王溫舒等用慘急苛刻爲九卿直指夏蘭之屬始出而大農頗異誅矣

散不足第二十九

季夏之蟬○方言曰蛟蚋齊謂之蟬蟬之別名也

救匱第三十

葛繹澎侯○傳曰公孫賀爲丞相封葛繹侯劉屈氂爲丞相

鹽鐵論

卷七攷

二

封澎侯

鹽鐵鍼石第三十一

胡建不得其死○胡建傳曰建爲渭城令治甚有聲值昭帝幼皇后父上官將軍與帝姊蓋主相人相善外人驕恣怨故京兆尹樊福使客射殺之客隱蓋主舍吏不敢捕渭城令建將卒圍捕公主聞之與外人上官將軍多從奴客往奔射追吏吏散走主使僕射劾渭城令游傲傷主家奴建報無他坐蓋主怒使人上書告建大將軍霍光寢其奏後光病

上官氏代聽事下吏捕建建自殺。

子石所以嘆息○雜言曰子石登吳山而四望潸然嘆息曰嗚呼悲哉世有明於事情不合于人心者有合于人心不明人情者門人問曰何謂也子石曰吳王不聽子胥而國亡費仲惡來順紂而身死由是觀之君子道狹爾誠不逢明主狹道之中其能免乎子石公孫楚也。

除狹第三十二

鹽鐵論

卷七 茂

三

鹽鐵論卷八 攷

疾貪第三十三

子產誅鄧皙○鴻烈解曰鄧皙教人以訟訟不俱同子產誅之許慎曰鄧皙詭辨奸人之雄也。

後刑第三十四

授時第三十五

水旱第三十六

太歲之數在陽爲早在陰爲水○天文訓曰八尺之景修徑

鹽鐵論

卷八 攷

一

尺五寸景修則陰氣勝景短則陽氣勝陰盛則水陽勝則旱雨不破塊風不鳴條○董仲舒曰大平之世則風不鳴條開甲散萌而已雨不破塊潤葉津莖而已。

崇禮第三十七

備胡第三十八

宋伯姬愁思而宋國火魯妾不得意而魯寢災○春秋曰宋災宋伯姬卒穀梁傳曰伯姬之舍失火左右曰夫人少辟火乎伯姬曰婦人之義傳母不在宵不下堂遂逮乎火而死列